

Les Minutes juridiques autochtones

MANDAT DE PAIX

Tshiaminiu-mashinaikan

Educaloi mak Association des Femmes autochtones du Québec mamuituat umenua Les Minutes Juridiques autochtones ka ishinikateti, tshetshi uitshiakanitau innu-ishkueuat tan tshe ishi-tshishpeuatishutau kie tanite tshe itutetau tshetshi uitshiakanitau matshipanitau anite tetshe utiniunuat

Jeannette tipatshimushtueu Sylvie nenu eshpan, kamakuneshiu-atusseu tshipa itenitakuanu.

Sylvie: Kuei Jeannette, tshekuanitshe?

Jeannette: Nimishta mamitinenitamik Paul usham apu tshut utinak anite atusseun ka tshitapataman. Eshpish tshi uitamuk nenu, nimatauenimau, ni kushtaua tshetshi natu-tutut.....

Sylvie: Tapue a? Uauitamu tshima apishish.

Jeannette: Mashten nana ka uapamil « Apu tshikanakushin tshin. », nitikuti. Atautshuapissit nuapamati, mishta tshishshikunakushipan, mishta pessish ninituapamikuti ekue mishta tshitapamit. Nishetishiumatshun, nikanishat kie uinuau. Kassinu auen tshissenimeu mesta matshikaushiniti, kie apu uitshi shetishit ua tutaki tshekuanu.

Sylvie; Tshuitamuait a kamakunueshiht?

Jeannette: Eshe, ninatshi-uapamatit kie nituteti nimashinaikan anite e uauitaman tshekuanu uet kushtak. Minepan nenu nimashinaikanu kapapatshishtaitsheti, apu tshekuanu tshi tutak usham apu ishpish minu-tshissenitakut. Anite matshima ueueshtakaniutshuapit natshi mamisham nitikutit tshetshi « 810 » minakaniti, nitikutit, apu tshissenitaman tshekuan ne « 810 » ua issishuenanut.

Sylvie: Tshika uauitamatin anutshish tshekuan ne « 810 » ua issishuenanut. Mashinateu anite takuaikan-mashinaikan, uitakanu e tshi natuenitak auen tshetshi tshishpeuatakan kushtat auenua kie ma itenitaki nika matshi-tutak. Tapue nenu etenitak itenimakuini, Paul tshika ishinakuanu tshetshi tshiaminiuti kie tshetshi nashak miam etashtenit umashinaikan nuash peikupipuna ishpish. Eukuan ne ka ishinikatet « Tshiaminiu-mashinaikan », tshipa tshi kie

itashtenu umashinaikanit ne « 810 » ka ishinikatet, tshetshi eka pessish tat anite etain, tshetshi eka kutshipanitat tshetshi aimikuin, tshetshi eka nanukushit pessish anite uatshin kie ma anite etussein . Kie tshipa tshi tshitaimuakanu tshetshi eka kanuenitak passikananu kie ma tshekuan e ushukuiuet.

Jeannette: Tshiekuan tshe tutaman tshetshi natuenitamani « 810 » ka ishinikatet, ishinakuan a tshetshi utinak kaimit?

Sylvie: Matshima tshin tshipa tshi natueniten muk^u anu tshipa minuau kaimit utin. Takuan anite ueueshtakaniutshuapit mashinaikanatshe tipatshimuin tan ka ishpanin uet mamishamit. Tshi shakassanitani tshimashinaikan , takuan anite tshe itutitain, tshikauitamakun, kie ekuat anite tshe uitamakuin tshishik^u mak tipaikan tshe uishamkuin tshetshi pimipanikuin ka ueueshtakan.

Jeannette: Eshe, tshika ishinakuan tshetshi uitaman tshekuanu uet kuashtitshenamik ne Paul kie uin tshika patshitinam utaimun.

Sylvie: Eukuannu patush tshe tshissenitak kapashashtak tsheshi eka shetshen shetishune. Itenitaki apu shetshen shetishit tshe kutshimat Paul tshetshi tapuetamanakuen tshethi tshiaminiuniti. Paul eka tapuetaki tshetshi mashinutishuti anite mashinaikanit eshinakuanit nutam tshetshi nashak tshika tshipuakanu nuash peikupipuna ishpish. Uemut kapashashtak tshika tapuetamutshe ne eshi-natuenitamin uesh ma tshissenimakanu Paul meshikaushit.

Jeannette: Paul eka nashaki nenu eshi-natuenitamakan, tan tshe ishpan?

Sylvie: Tshika mamishimau Paul kamakunueshiutshuapit, tshe makunan. Uinuau tshika uitamueut ka papatshishtaitsheniti tshetshi Pau ueueshiakan. Apu kuishk itit itenimakaniti tshipa tshi nuashuakanu shuniatat kie ma tshika tshipuakanu tshissenimakan tan eka ishi-kuish ka aiteit.

Jeannette: Tshinishkumitin, apu ishpish shetishian anutshish.

Sylvie: Tshi ma minupanin.

Ishinakuat kie tshinuau tshetshi kushtek^u auen, ui natuenitamek^u tshiaminiu-mashinaikan, eka shetishuk tshetshi natuapamekuat kamakunueshiht kie ma tshetshi utinek kaimit. Anite tshika aiminaw Service de l'Association des Avocats et Avocates de la province ka ishinikatet, eakuan ume etashtet 1866-954-3528.

Ekuanat Ministère de la Justice du Québec mak Ministère de la Justice du Canada ka uauitshiaushiht anite tetshe shuniatat tshetshi petakushitau anitshenat Les Minutes Juridiques autochtone ka ishinikatet.